

Sokkerbesoekers sal genoeg kontant kan bekom

THEUNS VAN DER WESTHUIZEN
Kaapstad

Vrese dat Suid-Afrika dalk te min outomatiese tellermasjiene (OTM'e) naby stadions gaan hé om aanstaande jaar in sokkergeesdriftiges se kontantvraag te voorsien, is ongegrond.

Die land beskik nie net oor 'n groot genoeg netwerk van OTM'e om elke jaar in die hoogseisoen in die vraag van groot getalle vakansiegangers te voorseen nie, maar bykomende OTM'e gaan ook by sokkerstadions geïnstalleer word.

Boonop gebruik al hoe meer

besoekers bankkaarte en al hoe minder kontant vir transaksies, volgens mnr. Stephan Claassen, Wes-Kaapse voorstitter van FNB - 'n ampelike nasionale ondersteuner van die Wêreldbeker-toernooi.

Hy het gesé daar is tussen 20 000 en 25 000 OTM'e in die land, waarvan 5 414 FNB's n is. "Ons het baie en ander groot

banke het ook baie. Kleiner banke is besig om hul netwerke uit te brei."

Boonop is OTM'e nie die enigste plek waar mense deesdae kontant kan trek nie. Dit kan ook by betaalpunte in sekere groot winkels gedoen word.

"Ons is glad nie bekommert dat daar te min OTM'e gaan wees nie en beplan nie byko-

mende netwerke nie. Ons gaan wel seker maak dat daar OTM'e by alle stadions is vir diegene wat dit dalk mag nodig kry.

"Die meeste mense reis deesdae met hul kredietkaarte en alle banke kan internasionale bankkaarte aanvaar."

Claassen meen die sekerheid by OTM'e het ook baie verbeter en aanvalle en roofotge by dié bankgeriewe het baie afgeneem. "Ons sekerheid is van wêreldgehalte."

Mnr. Marc Sternberg, besturende direkteur van Spark ATM Systems, 'n onafhanklike OTM-verskaffer, het gesé al hoe min-

derbesoekers gebruik reisigers-tjeks en daar kan dus verwag word dat besoekers baie kontant vir restaurante, hotels en vermaak sal nodig hé.

Die meeste besoekers gaan kom van lande waar OTM'e gereeldlik beskikbaar is. Wêreldwyd is daar sowat 1,5 miljoen OTM'e in gebruik en nuwe word daagliks geïnstalleer. In Suid-Afrika is daar egter 'n tekort aan OTM'e in en om die 2010-stadions.

Sternberg het gesé dit is sy doelwit om te sorg dat daar genoeg onafhanklike OTM'e vir die sokkerbesoekers sal wees.